

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

89

Orthodoxorum Medicorum Patrono.

QUÆSTIO MEDICA;

QUOD LIBETARIIS DISPUTATIONIBUS,

*manè discutienda in Scholis Medicorum, die Jovis septimâ mensis
Februarii. Anno Domini M. DCC. LXXI.*

M. Ludovico Petro-Felice-Renato LE THIEULLIER,
Saluberrimæ Facultatis Decano, Regis Consiliario & in Majori Consilio,
necnon in magnâ Regiæ Domûs & Franciæ Præfecturâ Medico ordi-
nario, Præside.

An fætus suspensio in aquâ aquis, à funiculi curvaturâ, pendeat ?

I.



NON hodiè primùm Physica generalis peculiarisque omnium scien-
tiarum & artium clavis, in rebus tum secundùm, tum contrâ
naturam, explicandis, evolvendis, enucleandis pre sentissimum
Medicis fuit auxilium. Quisnam etenim, absque physicâ, multi-
plici rerum statûs rationes afferre queat ? Quomodò hâc or-
batus scientiâ, functiones explicare, deturbatas ad statum na-
turalem revocare, seu saltem deturbationis mechanismum ex-
ponere possit ? Principiis autem variis quæ non parâ manû hominibus lar-
gitur philosophia, fætus suspensionem non magis ratiocinio & mechanices
legibus, quàm observatis & experimentis, consentaneam evolvemus demonstra-
bimusque. Undè, objectionibus solutis, ad conclusionem accelerato passu deve-
niemus.

I I.

EXPEDITUM & emissum utriusque sexûs semen, in orgasmo, coales-
cit, & quasi identificatur. Occursus autem evenire potest vel in tubis, quod
ad matris fætusque tutelam, feliciter rarum; vel in utero, quod inibi frequen-
tius. Undè non mirum, quòd fætus frequentissimè in uteri cavo, & rarissimè
in tubis detecti fuerint. Ex utroque semine unâ coalitio efformatur, evolvitur
embryon, fulget homo, omnium creaturarum longè perfectissima. Quomodo
illud agatur ? Metaphysica solvere, physici; creaturæ, creatoris mentem per-
scrutari non est. Vix conceptus embryo omnes ferè easdem quas in nato conspici-
mus, functiones adimplet. Ex fætus iliâs internis, duæ umbilicales emittun-
tur arteriæ. Hinc repunt intrâ peritoneum & partem musculorum transversiori m
posticam: tum angulum plûs minùs acutum efformando, in recessum fibra-
rum lineæ albæ, annulo umbilicali dictum, prosiliunt; & certo tramite flexuoso

inter se communicantes dividuntur in ramos numero infinitos, qui in ramificationes venæ umbilicalis idem sequentis iter, ad sinum venæ hepaticæ portarum tendentis, definites sese projiciunt. Tegumenta fætus communia, eò loci ex quo arteriæ abdomen relinquunt, evehuntur, canalis seu vaginæ vasis propriæ ad instar, ita ut nullo modo perforentur dermis & epidermis. Sub eodem porro respectu & corporis & funiculi reperiuntur hæ membranæ. Sed respectus placentæ non idem est: id est, dermis interna & corpori & funiculo, relativè ad placentam externa est, & ejus dispositio talis est ut, vasis è membranis separatis, quod non sit absque patientiâ, & quâdam solertiâ, per istum canalem styli in pelvin minorem introductio fieri queat, illas & imperforatis membranis: epidermis exterior in corpore & funiculo obvestit partem internam & concavam prioris membranæ. Substituamus hisce verbis *dermis*, & *epidermis*, hæc-ce verba *chorion* & *amnios*, videbimus chorion dermidis, epidermidis verò continuationem esse *amnion*: insuper cur chorion vasis immediate, amnion mediate apponatur; cur alterum externè, alterum internè disponatur, intellectu non difficile est.

I I I.

VASA umbilicalia, vaginis inclusa communibus, funiculum constituunt, in varios sensus inflexum. Hujuscè inflexionis causa, repeti potest ab uterî cavitate, cujus diameter funiculo multò brevior est. Hic coarctatus inibi residet funiculus, & partes concavæ ejus eò minùs succi nutritivi suscipiunt, quò plus ejus partes convexæ. In eo statu, sanguine turgidus brevior accuratur, ita ut ejus extremum, cui adhæret embryon, sursum attrahatur; quod quidem faciliè, modò explicandis, apprehendetur.

Aquæ amnios aquâ communi multo leviores sunt; & æquiponderatæ, tot differentias suppediavere, ut nil de specificâ gravitate aquæ communis, cum illis, positivè determinari posset; prolixior insuper fastidiosaque foret super eâ re disquisitio. Annotandum est præterea, illud examen, calidâ aquâ amnios, & frigidâ fluviali remanente, tentatum fuisse. Suspendi igitur fætus meris in aquis, quæquæ sit earum origo, duplex distingui debet gravitas, nempe absoluta, & relativa seu specifica; quæ quidem gravitas necessariò distinguitur, in hydrostaticis experimentis. Absoluta gravitas est quantitas partium solidi, aëre libero, considerati: relativâ est propriè loquendo pars absolutæ gravitatis substractæ ab alia gravitate cum quâ comparatur. Gravitas hîc loci, fætus absoluta erit quantitas partium corporis in aëre libero considerati, specifica autem erit pars absolutæ substractæ à quantitate partium, pare volumine, aquarum, in quibus immergitur: hinc pondus fætus & paris voluminis aquarum efformabit rationem arithmeticam, cum corpore fætus, pari aquarum volumine magis ponderet. Unica erit igitur pars gravitatis absolutæ sustinenda à funiculo. Pars autem, seu ista relativa gravitas minor est, vi attractivâ funiculi. Fætus consequenter sursum evehitur, hæc autem explicatio omnia solvit suspensionis phenomena quæ sunt varii gradus altitudinis in quibus reperitur fætus: tardior, promptior ejus præcipitatio.

I V.

FREQUENTISSIMÈ sex menses sufficiunt ut reperiatur fætus in infimo gradu. & sic infundo aquarum precipitatus tangi possit; quod sic evenit. Vegetabundus accrescit. Tunc quò accrementum majus sit, eò major gravitas specifica; sed gravitate augente specificâ, minuetur vis funiculi attractivâ. Unde minutâ vi, longitudo major funiculi. Hinc fætus partem aquarum infusam tangit: itaque sexto elapso mense nullo modo suspendi potest. Quandoque tamen recedit ex infimâ

parte, qui recessus ab ejus motibus pendet; cum immotus residens ibidem reperitur. Augetur vis attractiva funiculi ob longitudinem & spissitudinem ejus qui fortior est quam si brevior & gracilis esset; ita ut specifica foetus diutius sustineatur gravitas. Quod conformè est placentis à nobis injectis. Reipsa funiculi magis incurvati harum-ce placentarum oriebantur ex foetibus, qui feritis fundum attigerant. Et funiculi minus inflexi ex illis qui feris inciderant. Vis attractiva minuitur quandòque à variis funiculi succussionibus, undè foetus, cæteris paribus, antè sextum diem infundo reperitur; quod frequentissimum est mulieribus, vel exercitiis, vel itinere longiore defessis, quod quidem multoties observavimus. Foetus tamen quandòque à fundo in hisce casibus sese removere potest, præsertim si quies exercitiis & itineribus successerit opportuna. Gravida quædam vix quintum gestationis mensem attingens, non longo sed continuo itinere defessa & magnis excruciatâ doloribus me invisit, statum ejus & foetus sum percontatus. Infernè, ac ipsa, sentivi foetum digito introducto in vaginam, quem supernè 8 diebus precedentibus supernè reperieram, 8 diebus aliis subsequenter, in Scholas nostras venit, & supernè foetum sentivi; quia nulli exercitio tradita, quieta remanserât, & hac quiete funiculus elaterio curvaturarum retraxerat foetum supernè. Causa autem doloris, in foetu infrâ posito, & uterum titillante, reponenda est; & si titillatio fuisset continua, abortum passa fuisset gestans. Quod evenit illis quæ modo allato nonse gerunt. Tunc vis attractiva aboletur. Foetus aliàs à matre sentitur in variis locis ponderans, pro corporis variâ inflexione; quod quidem phenomenon ab omnibus obstetricantibus, tanquam signum mortis foetus certum assignatur. Quod reipsâ signum non melius cognoscitur, quàm explicatur. Cujus phænomeni causa evenit ex curvaturis ferè deletis & funiculo longiore facto, ob sanguinis defectum in vasis.

V.

EX antea dictis videre est, an efformetur placenta in ovariis aut in utero. Alii dicunt placentam, nil aliud esse, quàm membranam ovi propriam. Alii à siccitate, à calore uteri orto efformari asserere non dubitaverunt; contendunt venam umbilicalem ab arteriis uterinis oriri, & arterias umbilicales in ramificationes venarum uterinarum desinere, undè hæmorrhagias necemque foetus repetunt. Hæmorrhagia, tunc evenit ex placentæ subsidentia, quâ vasa fulcro destituta aperiuntur, retinendumque foras emittunt. Vasa autem præsentia placentæ comprimuntur & quasi collabuntur, hinc liquidum retinent. Subsidentia placentæ efficit ut vasa venosa collabantur, quæ vasa nequeunt sanguinem continuò ab arteriis umbilicalibus emissum insumere. Hinc sanguis ad foetum redire nescius, crudeliter hunc necat. Sed inquiunt, visum sunt foetus absque funiculo; esto Quid contra nos statui potest? Male observata, nullius probi autoritate confirmata, quibus probi desinenda est, infirmare, commovere, diruere nostras assertiones non valebunt. Suspensionis causa repeti non potest à minore aquæ quantitate in posteriore, quàm in priore tempore gestationis. Nam gravitas solidorum in fluidis, non est in ratione inversâ fluidi quantitatibus; quasi globulus plumbicus = $\frac{3}{4}$ IV magis ponderet in minore quantitate aquæ, quàm in majore; quo nil absurdius. Sed e contra gravitas est in ratione massæ directâ & inversâ voluminis. Sed instant adversarii ergò foetus prioribus mensibus in fundo, dum e contra posterioribus supernè, reperiri deberet, cum ejus volumen in hocce casu majus quàm in illo. Equidem volumen majus. Sed volumen pendet à partibus aquâ magis ponderantibus. Ergò præcipitari debet posteriore tempore. Nec à viscositate aquarum quæ,

4

si quæ sit, nulla foret, ob calorem uteri. Nec à statu foetus gelatinoso; cum hic status 2°, 3°, 4°, 5° & 6° mense non existat, & insuper mortuus infernè sentiat. Frustrà nobis obijciatur funiculum graciliorem esse, qui parem suspensionem producere possit. Non enim eà gracilitate gaudet funiculus, quam frustrà decantare tentant adversarii; cum turgida sint vasa ex quibus conflat; & si gracilior detectus fuerit, ab unicâ obliteratione eorumdem vasorum pendet hæc gracilitas quæ non semel, foetu mortuo, à nobis animadversa fuit. Hæc non minus experimento, quàm rationi consentanea sunt. Quod quidem experimentum simile tentari potest cum vesicâ aquâ plenâ & canalibus inflexis & membrana-ceis, quorum extremitati corpus quodcunque suspenditur. Vasis repletis attrahitur, vacuis autem fundum petit pondus. Ex his autem ratiocinio comprobatis, legibus mechanicis, hydrostaticis, observationibus confirmatis, & experimentis demonstratis, fas nobis sit concludere:

Ergò factus suspensio in aquâ aquis à funiculi curvaturâ pendet.

DOMINI DOCTORES DISPUTATURL

M. Mathæus Thoma LA CASSAIGNE, Scholarum Profes- sor designatus.	M. Josephus PHILIP, Scholarum Professor.	M. Franciscus BIDAULT.
M. Franciscus POR- TIER DE LA HOUSSINIERE.	M. Joannes DARCET, utriusque Pharmacie Professor.	M. Joannes-Claudius MUNIER, Consiliarius Medicus Regis ordi- narius & Domus Regiæ Invali- dorum.
M. Joannes-Baptista- Alexander MAI- GRET.	M. Franciscus THIERY DE BUSSY, Schola- rum Professor designa- tus, Consiliarius Me- dicus Regis ordinarius in Supremo Senatu Pa- risiensi.	M. Petrus POISSONNIER, à Regiâ Scientiarum Academiâ Parisien- si, Regis in sacro Consistorio Con- siliarius Medicus, Regi à Consiliis Medicis; in Regiis arcibus Mari- timis & Colonniis totius Medicinæ Præfectus, Regiarum Divionen- sis Petropolitanae & Stokolmien- sis Academicarum Socius & Cen- sor Regius.

Proponebat Parisiis CLAUDIUS ANDRÆAS GOUBELLY, Parisinus
Saluberrimæ Facultatis Medicinæ Parisiensis Baccalaureus, Theſeos Author,
A. R. S. H. 1771. A SEXTA AD MERIDIEM.